

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), u vezi sa razmatranjem Informacije vezane za inicijativu Kliničkog centra univerziteta Sarajevo za zaključenje ugovora između osnivača Kliničkog centra univerziteta Sarajevo, na prijedlog Ministarstva zdravstva, Vlada Zeničko-dobojskog kantona, na 131. sjednici održanoj dana 01.02.2018. godine, d o n o s i

## ZAKLJUČAK

### I.

Prima se na znanje Informacija Ministarstva zdravstva Zeničko-dobojskog kantona, a u vezi sa inicijativom Upravnog odbora Kliničkog centra Univerziteta Sarajevo za zaključenje ugovora između osnivača Kliničkog centra univerziteta Sarajevo i tačkom 2. Zaključka Vlade Federacije BiH, broj: 06-37-7983/17 od 28.12.2017. godine, koja je sastavni dio ovog Zaključka.

### II.

Zaključak stupa na snagu danom donošenja.

Broj: 02-\_\_\_\_\_/18.  
Datum, 01.02.2018. godine  
Zenica

**PREMIJER**

*Miralem Galijašević*

DOSTAVLJENO:

1x Ministarstvo zdravstva,  
1x a/a.

**I N F O R M A C I J A**  
**U VEZI SA INICIJATIVOM UPRAVNOG ODBORA KLINIČKOG CENTRA**  
**UNIVERZITETA SARAJEVO ZA ZAKLJUČIVANJE UGOVORA IZMEĐU OSNIVAČA**  
**KLINIČKOG CENTRA UNIVERZITETA SARAJEVO I TAČKOM 2. ZAKLJUČKA**  
**VLADE FEDERACIJE BiH BROJ: 06-37-7983/17 od 28.12.2017. godine**

---

**Zenica, januar 2018. godine**

## INFORMACIJA

**u vezi sa inicijativom Upravnog odbora Kliničkog centra Univerziteta Sarajevo za zaključenje ugovora između osnivača Kliničkog centra univerziteta Sarajevo i tačkom 2. Zaključka Vlade Federacije BiH broj: 06-37-7983/17 od 28.12.2017. godine**

**Cilj Informacije** je upoznati Vladu Zeničko-dobojskog kantona sa Odlukom Upravnog odbora Kliničkog centra Univerziteta Sarajevo (u daljem tekstu: KCUS) broj: 56/17 od 09.05.2017. godine, kojom je pokrenuta inicijativa prema osnivačima KCUS, radi zaključivanja ugovora između osnivača, u skladu sa članom 6. Zakona o ustanovama („Sl. glasnik RBiH“, broj: 6/92, 8/93 i 13/94) i članom 6. Statuta Kliničkog centra Univerziteta Sarajevo („Sl. novine FBiH“, broj: 73/13) u smislu održavanja sastanka sa nadležnim ministarstvima osnivača i kojom je zadužena generalna direktorica KCUS da u saradnji sa članovima Upravnog odbora (predstavnicima osnivača), zakažu sastanke sa predstavnicima nadležnih ministarstava osnivača, radi realizacije pokrenute inicijative. Navedena Odluka Upravnog odbora je dopisom KCUS broj: 0203-53575 od 20.11.2017. godine, dostavljena Vladi Federacije i Federalnom ministarstvu zdravstva, sa prijedlogom da se organizuje zajednički sastanak sa predstavnicima 5 kantona i Federacije BiH, koji su osnivači KCUS, kako bi se krenulo sa aktivnostima na zaključivanju ugovora između osnivača o međusobnim odnosima, pravima i obavezama.

Također je cilj upoznati Vladu Zeničko-dobojskog kantona sa tačkom 2. Zaključka Vlade Federacije broj: 1611/2017 od 07.12.2017. godine, koji je donesen na 131. sjednici Vlade Federacije BiH.

Dopisom KCUS broj: 0203-40075 od 04.09.2017. godine, ovom Ministarstvu je dostavljena urgencija vezana za navedenu odluku Upravnog odbora KCUS i zatraženo održavanje navedenog sastanka. Dana 05.10.2017. godine, održan je sastanak u KCUS, kojem je prisustvovala generalna direktorica KCUS i ministar zdravstva Zeničko-dobojskog kantona, a iz opravdanih razloga navedenom sastanku nije prisustvovao član Upravnog odbora KCUS, ispred Zeničko-dobojskog kantona dr Harun Šestić.

Na sastanku su dogovoreni sljedeći zaključci:

1. da se u cilju razriješenja aktuelne problematike upozna Vlada i Skupština Zeničko-dobojskog kantona,
2. da se formira komisija Zeničko-dobojskog kantona, u čiji sastav bi ušli stručnjaci pravne i zdravstvene struke, sa zadatkom da analiziraju postojeće akte vezane za suosnivanje KCUS pristupe pregovorima sa predstavnicima KCUS u cilju potpisivanja ugovora o međusobnim pravima i obavezama,
3. da se pregovori održavaju u Federalnom ministarstvu zdravstva u Sarajevu, jer je Federacija BiH osnivač KCUS, a po mogućnosti uz zajedničko učešće predstavnika svih kantona–osnivača, te predstavnika Federalnog ministarstva zdravstva.

Na 131. sjednici Vlade Federacije BiH održanoj 07.12.2017. godine, na prijedlog Federalnog ministarstva zdravstva usvojena je Informacija o aktivnostima mjerodavnih organa kliničkih centara u Federaciji BiH na izradi ugovora međusobnim pravima, obavezama odgovornostima osnivača nad kliničkim centrima u Federaciji BiH, s posebnim fokusom na preuzimanje finansijskih obaveza spram preuzetih osnivačkih prava. U vezi navedene Informacije Vlada Federacije BiH usvojila je Zaključak broj: 1611/2017 od 07.12.2017. godine, koji je u prilogu ove Informacije. Tačkom 2. navedenog Zaključka utvrđeno je da će Vlada Federacije BiH, na prijedlog Federalnog ministarstva zdravstva, Federalnog ministarstva finansija, mjerodavnih kantonalnih ministarstava, Zavoda zdravstvenog osiguranja i reosiguranja Federacije BiH, kantonalnih zavoda osiguranja Sarajevo, Tuzla i Mostar, kliničkih centara Sarajevo, Tuzla i Mostar, formirati radnu grupu koja će izraditi

prijedlog ugovora o međusobnim pravima, obavezama odgovornostima osnivača nad kliničkim centrima u Federaciji BiH, s posebnim fokusom na preuzimanje finansijskih obaveza spram preuzetih osnivačkih prava.

S ciljem realizacije tačke 2. navedenog Zaključka, Federalno ministarstvo zdravstva je dostavilo akt broj: 06-37-7983/17 od 28.12.2017. godine, koji je u prilogu ove Informacije, a kojim je zatraženo je delegiranje člana u radnu skupinu za izradu ugovora o međusobnim pravima, obavezama odgovornostima osnivača nad kliničkim centrima u Federaciji BiH, s posebnim fokusom na preuzimanje finansijskih obaveza spram preuzetih osnivačkih prava.

Imajući u vidu navedeno predlažemo Vladi Zeničko-dobojskog kantona da primi na znanje Informaciju u vezi sa inicijativom Upravnog odbora Kliničkog centra univerziteta Sarajevo za zaključenje ugovora između osnivača Kliničkog centra univerziteta Sarajevo i tačkom 2. Zaključka Vlade Federacije BiH broj: 06-37-7983/17 od 28.12.2017. godine i da:

1. Imenuje zajedničku komisiju od stručnjaka pravne, ekonomske i zdravstvene struke, u čiji sastav bi ušli predstavnici Skupštine i Vlade Kantona, koja će biti imenovana sa zadatkom da analizira postojeće pravne akte vezane za suosnivanje KCUS, te uzimajući u obzir sadržinu navedenih pravnih akata utvrdi da li je Zeničko-dobojski kanton u potpunosti proveo zakonsku proceduru vezanu za suosnivanje KCUS, koje su obaveze i prava Kantona kao suosnivača KCUS, te da li su stečeni propisani uvjeti za potpisivanje navedenog ugovora sa KCUS, posebno imajući u vidu ekonomsku opravdanost takvog ugovora, uzimajući u obzir obaveze Kantona kao suosnivača KCUS.
2. Zauzme stav po pitanju realizacije tačke 2. Zaključka Vlade Federacije BiH broj: 1611/2017 od 07.12.2017. godine, iz koje proizilazi obaveza Ministarstva zdravstva da delegira člana u radnu skupinu za izradu ugovora o međusobnim pravima, obavezama odgovornostima osnivača nad kliničkim centrima u Federaciji BiH, s posebnim fokusom na preuzimanje finansijskih obaveza spram preuzetih osnivačkih prava, a što je zatraženo i navedenim aktom Federalnog ministarstva zdravstva.

Prilog:

1x Dopis KCUS od 09.05.2017. godine,

1x Dopis KCUS od 20.11.2017. godine,

1x Dopis Federalnog ministarstva zdravstva od 28.12.2017. godine i

1x Zaključak Vlade Federacije od 07.12.2017. godine

MINISTAR

dr Dragoljub Brenjo